



Jnr. 1061.05
GJG/rr

Kommunal- og regionaldepartementet
Postboks 8112 Dep.
0032 Oslo

HØYRING NOU 2004:19 LIVSKRAFTIGE DISTRIKTER OG REGIONAR (DISTRIKTSKOMMISJONEN)

Samarbeidsrådet for Sunnhordland er regionrådet for kommunane Austevoll, Bømlo, Etne, Fitjar, Kvinnherad, Stord, Sveio og Tysnes. Ordførarane og rådmenn i kommunane utgjer styret i rådet. Kommunane haugesund og Ølen er observatørar i styret.

Styret i Samarbeidsrådet for Sunnhordland handsama på styremøte 28. januar NOU 2004: 19 livskraftige distrikter og regionar og gjorde følgjande samrøystes vedtak:

Samarbeidsrådet for Sunnhordland vel å svara NOU 2004:19, Distriktskommisjonen, samla for problemstillingar med høyringsfristane 14.01.05 og 14.10.05.

1. Samarbeidsrådet for Sunnhordland sluttar seg til Distriktskommisjonen si fleirtalstilråding om at det er behov for eit nytt folkevald regionalt nivå med større regionar til erstatning for dagens fylkeskommunar.
2. Samarbeidsrådet for Sunnhordland støttar Distriktskommisjonen si tilråding om omfattande desentralisering og samordning av verkemiddel i distrikts- og regionalpolitikken til eit regionalt folkevald nivå. Sterke og sjølvstendige regionar må ha mynde til å føreta ei reell samordning av politikken på område som er viktige for regional utvikling. Dette vil bidra til å skapa vekst og utvikling og til å utløysa meir av verdiskapingspotensialet i alle delar av landet
3. Samarbeidsrådet for Sunnhordland sluttar seg i hovudsak til Distriktskommisjonen sitt framlegg om kva for oppgåver som bør leggjast til det nye folkevalde regionale nivået og forventar ei vidare drøfting om overføring av oppgåver for å styrkja det kommunale nivået
4. Samarbeidsrådet for Sunnhordland støttar Hordaland Fylkesting i at det er viktig at spørsmålet om utforming av det framtidige folkevalde regionale nivået blir avklart snarast råd, og rår til at ein ikkje avventar den planlagde evalueringa av fylkeskommunen i 2007.
5. Samarbeidsrådet for Sunnhordland sluttar seg elles i all hovudsak til fleirtalstilrådingane frå Distriktskommisjonen med følgjande presisering:

a) Samarbeidsrådet for Sunnhordland gje si støtte til kommisjonen si fleirtalstilråding om eit folkevald nivå mellom kommunar og stat som har ansvar for regional utvikling innan sine geografiske grenser på nærmare fastsette område.

b) Samarbeidsrådet for Sunnhordland meiner at når regionane skal ta over ansvar for breie samfunnsoppgåver, krev dette større regionar enn dagens fylkeskommunar. Me finn det naturleg at det vert arbeidd vidare med å etablere ein region på Vestlandet med heile eller delar av fylka som inngår i Vestlandsrådet.

Samarbeidsrådet for Sunnhordland meiner at større regionar vil ha større gjennomslagskraft på nasjonalt og internasjonalt nivå. Regionane kan naturleg då også ta ansvar for internasjonalt samarbeid med andre regionar. Landsdelane har også behov for eit sterkt nasjonalt nivå som kan tale landsdelen si sak. Dette vil motverka ei stadig sterkare sentralisering til Oslo-området.

c) Samarbeidsrådet for Sunnhordland støttar uttalen frå Hordaland Fylkeskommune om naturlege og framtidige oppgåver for regionalt nivå. Skal det vera eit meningsfullt folkevalt regionalt styringsnivå, må dei statlege oppgåver som gir til landsdelen påverknad over eigen utvikling overførast til det regionale styringsnivået.

d) Samarbeidsrådet for Sunnhordland meiner at alle oppgåver som kan leggjast til det kommunale nivået skal leggjast til kommunane i tråd med nærleiksprisippet. Kommunane må setjast i økonomisk stand til å utføra oppgåvene sine.

e) Samarbeidsrådet for Sunnhordland meiner dei store byane er viktige som økonomiske og politiske motorar sine landsdelsregionar, men har også viktige nasjonale funksjonar. Regionane har særleg eit ansvar i høve til å leggje strategiar og ha verkemiddel for å nytte "motorkrafta" frå byane.

f) Samarbeidsrådet for Sunnhordland er samd med framlegget om at kommunane bør få "grunnrente" for bruk av sjøareal til havbruksnæringa. Areal er ei avgrensande faktor for utvikling av næringa, og inntekter vil kunne gje kommunane insentiv til å leggje ut areal til næringa.

g) Samarbeidsrådet for Sunnhordland meiner det er sentralt å leggje til rette for innovasjon og nyskaping i ei framtidig næringspolitikk, men verkemiddelbruken må byggje på dei lokale føresetnadene for regionen. Samarbeidsrådet tilrår å oppretthalde og auke pendlarfrådraget som viktig verkemiddel for busetnad.

Samarbeidsrådet for Sunnhordland støttar distriktskommisjonen sine tilrådingar når det gjeld innretting av den smale distriktspolitikken og at det er behov for å styrkje dette feltet. Det er også behov for å kunne bruke verkemidla meir fleksibelt, som å kunne bruke regionale utviklingsmidlar til tilretteleggjande tiltak som kjem heile regionen til gode. Dette er t.d. viktig i høve til ei vidare utvikling av marin sektor. Samarbeidsrådet for Sunnhordland meiner det bør utviklast og takast i bruk modellar som avdekkar regionalt og lokalt verdiskapingspotensiale innanfor ulike bransjar.

h) Samarbeidsrådet for Sunnhordland meiner energipolitiske spørsmål som vasskraft og gass, burde ha vore omtalt i utgreiinga. Samarbeidsrådet for Sunnhordland meiner desse områda bør tas med i regionalmeldinga.

i) Samarbeidsrådet for Sunnhordland meiner vidare at i framtidige store regionar vil det vere sentralt å betre dei interne kommunikasjonane i regionen for med dette å kunne knyte saman arbeids- og bustadregionane. Auka satsing på infrastruktur er avgjerande for velfungerande regionar og distrikt.

Stord, 31. januar 2005

Med venleg helsing

Helge Andre Njåstad
styreleiar


Gro Jensen Gjerde
dagleg leiar

Kopi : KS - Hordaland